



Tužilaštvo/Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTA 0020965 21  
Sarajevo, 03.11.2021.godine

Na osnovu člana 216. stav 3. Zakona o krivičnom postupku BiH, donosim:

**N A R E D B U**  
o neprovođenju istrage

Povodom e-mail poruke zaprimljene na info adresu Tužilaštva/Tužiteljstva Bosne i Hercegovine dana 28.07.2021.godine, sa e-mail adrese [REDACTED], u kojoj osoba [REDACTED] prijavljuje [REDACTED] da je na internet portalu [REDACTED] negirao genocid u Srebrenici i na taj način počinio krivično djelo Izazivanje nacionalne, rasne i vjerske mrženje, razdora i netrpeljivosti iz člana 145a. stav 3. Krivičnog zakona BiH, jer ne postoje osnovi sumnje da je prijavljeno lice učinilo navedeno krivično djelo.

**O b r a z l o ž e n j e**

Dana 28.07.2021.godine, na info adresu Tužilaštva/Tužiteljstva Bosne i Hercegovine, sa e-mail adrese [REDACTED], zaprimljena je e-mail poruka, u kojoj je kratko navedeno „Dobar dan, dotični gospodin negira genocid. Sren je u EMailu, pozdrav [REDACTED]“, a u prilogu navedenog e-maila dostavljen je komentar ostavljen na internet portalu [REDACTED], sa profila [REDACTED] i to ispod vijesti da je Tužilaštvo BiH formiralo nekoliko predmeta za „negiranje genocida“ na osnovu prijava građana koje je zaprimilo nakon odluke visokog predstavnika u BiH Valentina Incka o dopuni Krivičnog zakona BiH, u kojem komentaru je navedeno: „Ja odma dobijo proljev j.b.cim sam cuo da nije bijo genocid a i nije prije se može reci da je bijo nad SRBIMA moram skuvati jaje natvrdo neceli me proci u p... m....“, a ispod kojeg komentara je podnosilac prijave, sa profila [REDACTED], napisao: „[REDACTED] Poruka predana tužilaštvu BiH“.

Dana 23.09.2021.godine, postupajući po Zahtjevu za prikupljanje dokaza Tužilaštva/Tužiteljstva Bosne i Hercegovine, Ministarstvo sigurnosti BiH, Državna agencija za istrage i zaštitu, dostavilo je ovom Tužilaštvu Izvještaj o poduzetim mjerama i radnjama, broj: [REDACTED] od 22.09.2021.godine, sa priložima, u kojem je navedeno da su policijski službenici u svrhu identifikovanja prijavljenog lica izvršili pretrage putem društvene mreže facebook, kojom `prilikom je isti i pronađen, link profila:

██████████ da su izvršene pretrage u bazi podataka Agencije za identifikacione dokumente, evidenciju i razmjenu podataka BiH (IDDEEA), te da je komparacijom fotografija koje se nalaze na facebook profilu prijavljenog lica i profila koji je pronađen u bazi podataka IDDEEA, utvrđeno da se najvjerovatnije radi o istoj osobi, odnosno da je riječ o licu pod imenom ██████████. Takođe je navedeno da je, u cilju identifikovanja podnosioca prijave i uzimanja izjave od istog, putem e-maila ██████████ dana 26.08.2021.godine kontaktirano lice koje se predstavilo kao ██████████, ali da od istog nisu dobili odgovor.

Rezultati izvršenih pretraga sačuvani su na način da je upotrebom aplikacije ██████████ urađen print screen facebook profila ██████████ i profila pronađenog u bazi podataka IDDEEA, te je u prilogu Izvještaja dostavljen ispis urađenog print screen-a sa linkom, odnosno naslovne strane navedenog facebook profila, a putem aplikacije ██████████, identifikovan je IDE broj facebook profila pod imenom ██████████.

Dana 14.10.2021.godine, Ministarstvo sigurnosti BiH, Državna agencija za istrage i zaštitu, dostavilo je ovom Tužilaštvu Izvještaj o poduzetim mjerama i radnjama, broj: ██████████ od 13.10.2021. godine, u kojem je navedeno da su policijski službenici navedene Agencije saslušali lice ██████████ u svojstvu svjedoka, kao i da nisu u mogućnosti uzeti izjavu od podnosioca prijave jer nikada nisu dobili odgovor od istog. U prilogu navedenog Izvještaja dostavljen je Zapisnik o saslušanju svjedoka, ██████████, Ministarstva sigurnosti BiH, Državne agencije za istrage i zaštitu, ██████████, sastavljen dana 08.10.2021.godine, ██████████.

██████████ u svojoj izjavi je naveo da se ne sjeća da li je uopšte postavljao bilo kakve komentare na društvenim mrežama; da posjeduje facebook profil pod svojim imenom, međutim da telefon koji koristi često ostavlja u kafani, a često mu se dešava i da ga zaboravi, pa ne isključuje mogućnost i da je neko drugi pristupao njegovom telefonu. U pogledu same sadržine objavljenog komentara, istakao je da sa žaljenjem konstatuje veliki pijatet prema svim žrtvama u proteklom ratu, te da je i sam žrtva navedenih dešavanja, što je ostavilo dubokog traga na njegovo zdravlje, jer je u ratu ostao bez noge.

S obzirom na sve okolnosti predmetnog događaja, dokumentaciju u spisu, te ostale operative podatke, imajući u vidu činjenicu da ██████████ u svojoj izjavi negira da je počinio krivično djelo Izazivanje nacionalne, rasne i vjerske mrženje, razdora i netrpeljivosti iz člana 145a. stav 3. Krivičnog zakona BiH, odnosno da se ne sjeća da li je postavljao komentare na društvenim mrežama, navodeći da ima veliko poštovanje prema žrtvama proteklog rata, posebno ako se ima u vidu činjenica da je u konkretnom slučaju podnosilac prijave na info adresu Tužilaštva BiH samo proslijedio navedeni komentar, koji je pročitao na internet portalu i ispod istog ostavio svoj za ██████████, da je poruka predana Tužilaštvu BiH, ovo Tužilaštvo je, na osnovu člana 216. stav 3. Zakona o krivičnom postupku BiH donijelo Naredbu o neprovođenju istrage, jer ne postoje osnovi sumnje da je prijavljeno lice učinilo navedeno krivično djelo.

U smislu člana 216. stav 4. Zakona o krivičnom postupku BiH, o odluci će biti obaviješten podnosilac prijave, na e-mail adresu ██████████, koji na ovu odluku ima pravo podnijeti pritužbu uredu Tužioca u roku od 8 (osam) dana.

TUŽILAC  
TUŽILAŠTVA/TUŽITELJSTVA BiH